

Visoki predstavnik na sastanku sa političkim strankama razgovarao o ustavnoj reformi

Visoki predstavnik, Wolfgang Petritsch se jučer sastao sa liderima političkih stranaka Bosne i Hercegovine u zgradi OHR-a u Sarajevu, kako bi saznao kakav su napredak postigli u vezi sa provedbom odluke Ustavnog suda o konstitutivnosti naroda.

Visoki predstavnik je pozdravio dosadašnji napredak, naročito kada je riječ o strankama koje konačno ulaze u dijalog i saslušao je različite pristupe ovom pitanju i prijedloge za ustavnu reformu u BiH. Sada su potrebne stvarna, suštinska i dalekosežna rješenja.

Visoki predstavnik je apelirao na lidere stranaka da nastave raditi na iznalaženju rješenja te da ga predstave u najkraćem mogućem roku. Ponovo je naglasio da vrijeme ističe, naročito s obzirom na predstojeće izbore i neophodnost da se popune praznine u Izbornom zakonu. Također je jasno stavio do znanja kako očekuje da politički lideri Bosne i Hercegovine u potpunosti podrže provedbu odluke Ustavnog suda.

Pronalaženje rješenja za ustavnu reformu ne samo da je u biti stvar preuzimanja odgovornosti, to je i obaveza prema građanima ove zemlje – bez obzira na njihovo nacionalno porijeklo ili političko opredjeljenje. Rezultat ovih pregovora će imati utjecaja na mnoge generacije građana Bosne i Hercegovine. Visoki predstavnik očekuje od lidera da ispune svoje obaveze i dođu do trajnog dogovora u interesu Bosne i Hercegovine.